

UDRUŽENI RAD



**Radnice/ radnici pitaju:
Koga štiti vlast?
Postoji li pravna država?
Da li su zakoni za sve građanke/građane jednaki?**

ŠTA JE “NJIMA” FORTUNA?

Vlast je 19 godina okretala leđa i zatvarala oči nad neplaćanjem doprinosa radnicama/ radnicima Tvornice obuće Fortuna – Gračanica i pomagala bogaćenje pojedinaca. Zašto plaćamo administraciju, šta je radila Poreska uprava, inspekcijски organi? Radnice/ radnici Fortune, jednako kao i javnost pita: “ Zašto je omogućeno Safetu Pjaniću, bivšem generalnom direktoru Fortune da sistematski pljačka tvornicu i pričini joj štetu od 4,5 miliona KM?

Kakvo je to pravosuđe koje Safetu Pjaniću i nakon pravosnažne sudske presude omogućava da se putem “kćerki firmi” Fortunato i Fortob bogati na osnovu imovine Fortune i i dalje ulazi u Fortunu?

Kako je moguće da je umjesto na zdržavanju zatvorske kazne Safet Pjanić i dalje na slobodi, dolazi svakodnevno u pogone Fortune, sastaje se sa stečajnim upravnikom i naređuje kako će raditi.? Radnice/ ci Fortune pitaju se da li i nakon svega neko iz vlasti priprema teren da Pjanić kupi tvornicu u stečaju?

IZDAJA

Vlasti Federacije BiH izdale su radnik/ radnice Fortune. Izdao ih je i Savez samostalnih sindikata BiH godinama se oglašujući na njihova upozorenja i zahtjeve za pomoć pred samovoljom uprave.



IZDAJOM UPOSLENIKA FORTUNE I VLAST I SSS BIH IZDALI SU SVE RADNIKE

- Živimo u modernom robovlasničkom sistemu. Radnicima ostaje samo da rade bez prava da pitaju za platu, godišnji odbor, za ono što im pripada po Zakonu o radu, **Sakib Kopic, sindikat Solidarnost.**

Država je omogućila poslodavcima da radnike/ce ostave bez ikakvih primanja. Da li je cilj vlasti BiH da na taj način radnici/ce odustanu od svojih borbi?

U našem društvu višak su bolesni ili pred penzijom radnice/ci. **NJIMA JE, SMATRAJU POSLODAVCI, MJESTO JEDINO NA ULICI**

Krajnje je vrijeme da šatorska naselja obespravljenih radnika/ca ispred tvornica, štrajkovi glađu, nasilje policije nad onima koji traže svoja prava prestanu biti svakodnevnicima Bosne i Hercegovine.

POBJEDA!?

Samo zahvaljujući upornosti radnica/ radnika Fortune izbačenih na ulicu uspravna pravna država se probudila. Petogodišnja zatvorska kazna Safetu Pjaniću njihova je pobjeda.

Ali radnice/ci danas ne znaju da li su ostvarile Pirovu pobjedu. Pitaju kakav je to zakon, pravo i pravda da se 116.300 eura imovinske koristi koje je Pjanić stekao krivičnim djelom uplati na račun institucija Federacije BiH? Ko će i kada i iz kojih sredstava radnicama/radnicima izmiriti potraživanja prema Fondu PIO i omogućiti da ostvare pravo na zasluženu penziju?

ISTA PRAVA ZA SVE RADNIKE

Radnici/ce od Parlamenta Federacije BiH zahtijevaju da KONAČNO donese zakon o povezivanju staža za sve uposlenike koji ispunjavaju uvjete za penziju, koji zbog stečaja ostaju bez posla ili im na drugi način prestaje radni odnos.

Krajnje je vrijeme da se ovo radničko pravo uredi sistematski, a ne riješava od slučaja do slučaja.

Za radnice/ke i sindikat Solidarnost neprihvatljivo je da pravo na povezivanje staža imaju jednio zaposleni u javnom sektoru.



„Sud, sudski vještaci i sudski stečajni upravnici su jedan kriminal koji se obrušio na radničku klasu da im jednostavno uzme firmu koju su radnici stvarali i gradili.“, **Naila Mujaković, radnica Fortune**

Dom naroda Parlamenta Federacije BiH nakon 25 mjeseci od odluke Ustavnog suda F BiH usvojio je Zakon o izmjenama Zakona o stečajnom postupku

Na taj način je omogućena provedba presude Ustavnog suda Federacije BiH od 23.3.2016. godine, kojom je utvrđeno da članci 33. i 40. Zakona o stečajnom postupku nisu u suglasnosti sa Ustavom F BiH.

Potraživanja iz radnog odnosa, kako je u presudi navedeno, a što proizlazi iz prakse Evropskog suda, čine dio imovine osoba koje su u radnom odnosu, uključujući i uposlenike stečajnog dužnika.

Time su, potraživanja iz radnog odnosa postala imperativ koji mora biti poštovan bez izuzetka.

U potraživanja višeg isplatnog reda, navodi se u zakonu, ulaze potraživanja radnika i prijašnjih dužnikovih radnika nastala do dana otvaranja stečajnoga postupka iz radnog odnosa u ukupnom bruto iznosu, otpremnine do iznosa propisanog zakonom, odnosno kolektivnim ugovorom, te potraživanja na temelju naknade štete pretrpljene zbog ozljede na radu ili profesionalne bolesti.

To znači da potraživanja radnika nisu ograničena niti visinom niti rokom.

Zakon, uz to, omogućuje da iz stečajne mase najprije budu namireni nužni troškovi stečajnog postupka i obveze stečajne mase, bez kojih ne može biti ni vođen stečajni postupak, a o čemu odlučuje stečajni sudija, a da će troškovi postupka i obveze stečajne mase, koji nisu nužni za vođenje postupka, biti namireni i nakon izmirenja povjeritelja višeg splatnog reda.